

Grwp yr Economi, Sgiliau a Chyfoeth Naturiol
Economy, Skills and Natural Resources Group

Dirprwy Ysgrifennydd Parhaol • Deputy Permanent Secretary

Nick Ramsay AC
Y Pwyllgor Cyfrifon Cyhoeddus
Cynulliad Cenedlaethol Cymru



Llywodraeth Cymru
Welsh Government

SeneddPAC@Assembly.Wales

16 Mehefin 2017

Annwyl Mr Ramsay

Rwyf wedi cael gwahoddiad i gyfarfod y Pwyllgor Cyfrifon Cyhoeddus a gynhelir am 2pm, 26 Mehefin pan fydd yn ystyried adroddiad Archwilydd Cyffredinol Cymru am gynlluniau ariannu cychwynnol Llywodraeth Cymru ar gyfer Cylchffordd Cymru. Gofynnwyd imi baratoi papur am sefyllfa ddiweddarara'r prosiect, hynny cyn sesiwn dystiolaeth y Pwyllgor.

Mae Cylchffordd Cymru wedi bod yn brosiect cymhleth sydd wedi bod yn symud yn gyflym a chyhoeddodd y Prif Weinidog y byddai'r cabinet yn penderfynu arno erbyn diwedd y mis.

Cyhoeddodd Ysgrifennydd y Cabinet dros yr Economi a'r Seilwaith Ddatganiad Ysgrifenedig ar 17 Mai yn cadarnhau bod Llywodraeth Cymru wedi cael erbyn hyn yr holl wybodaeth roedd wedi gofyn i Gwmni Datblygu Blaenau'r Cymoedd (HOVDC) amdani. Ers hynny, mae swyddogion wedi bod yn ystyried gwybodaeth HOVDC yn fanwl ac wedi cynnal proses diwydrwydd dyladwy drylwyr ar y cynnig ei hun, yn ogystal ag mewn cysylltiad â chyfarwyddwyr y prosiect.

Fel y gwyddoch, mae'r broses diwydrwydd dyladwy yn rhan bwysig o'r penderfyniad a ddylid cyllido'r prosiect ai peidio. Bydd aelodau'r Pwyllgor yn falch o glywed ein bod yn manteisio ar y cyfle hwn i sicrhau bod yna gynllun busnes cynaliadwy a chadarn yn ei le er mwyn diogelu buddiannau'r trethdalwr ac i sicrhau bod y risg yn cael ei rannu'n deg rhwng y sectorau preifat a chyhoeddus.

Ni fyddai'n briodol rhoi mwy o wybodaeth am y prosiect i'r Pwyllgor ei hystyried cyn bod y broses diwydrwydd dyladwy yn cael ei chynnal yn briodol, na chyn i'r Cabinet ystyried y prosiect.

Yn gywir

James Price